



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 40. Ejusdem liber de vera, & falsa Religione.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

tores in diversas scindebantur factiones Sæcul. XVI. A.C. 1526.  
 ac sectas, unde illi, qui novæ huic doctrinæ adhærebant, appellabantur Sacramentarii seu Zwingliani, eo quod Zwinglius omnium primus figurato sensui a Carolstadio excogitato suffragatus, ceteris auctoritate valeret. In hac Zwinglii sententia nec miraculum, nec aliud quicquam, quod naturali lumine comprehendendi non posset, in Evcharistia intervenit, panis fractus, inquebat, nobis repræsentat corpus Christi immolatum, vinum vero sanguinem effusum; Christus instituendo hæc signa rei nomen illis dedit; nec tamen propterea omnino nuda esse signa ajebat, eo quod recordatio & fides Corporis immolati, & sanguinis effusi nostram animam corroboret, & Spiritus sanctus in cordibus nostris remissionem peccatorum confirmet. En! ad quas tandem nugas totum hoc Mysterium restringant Zwinglii Sectatores.

## §. XL.

*Zwinglii liber de vera, & falsa Religione.*

Anno Christi millesimo quingentesimo vigesimo sexto Mense Martio Zwinglius tractatum edidit *de vera, & falsa Religione*, quem Francisco I. Galliarum Regi nuncupavit. In eo sententiam suam

Sæcul XVI. de Evcharistia prolixo admodum sermone exposuit, sequenti autem Mense Augusto alium vulgavit libellum, cui titulus: *de subsidio Evcharistiæ*, in quo itidem fusius de eodem argumento differit. Adversabatur sat luculenter ejus opinioni sacer Codex; equidem hisce verbis; *Hoc est corpus meum*, opponebat illa: *Ego sum vitis, ego sum ostium, Petra erat Christus &c.* ast ejusmodi exempla non erant prioribus æqualia; nam Christus Dominus hæc verba: *Hoc est corpus meum, hic est sanguis meus*, non eo sensu pronunciaverat, ut vel parabolam proponeret, vel allegoriam explicaret: Hæc insuper verba de se ipsis a reliquo etiam sermone avulsa perfectum præferebant sensum; agebatur enim de nova institutione, quam verbis omnino perspicuis fieri oportebat, nec unquam in sacris paginis hucusque vel ullum reperiebatur testimonium; ubi institutionis signum eo momento, quo instituebatur, absque præparatione prævia ipsius rei nomine insignitum fuisset. Hoc argumento Zwinglius diu noctuque agitabatur, illudque eludere satagebat. Interea tamen, spreta Tigurini Tabularii oppositione, Missæ Sacrificium jubente Senatu fuit abolitum.

*Ludov. Lavaterus in Controversia Sacram. fol. 2. 3. & seq.*

*Zwing. subsid. de Evcharist. p. 247.*